



IRAKASKUNTZA GIDA SOZIOLOGIAKO GRADUA

<http://www.ehu.eus/gkz-csc>

HELBURUAK

Nola funtzionatzen du gizarteak? Boto asmoa iragartzerik ba al dago? Zer nolako eragina daukate sare sozialek eta internetek gure bizitzan? Nola egin dakieke aurre gizarte desberdintasunei? Jakin daiteke alde zaureratik zenbaterainoko arrakasta izango duen app batek edo garbitzeko produktu batek? Soziologiak dauka galdera horien eta beste askoren erantzuna.

XXI. mendeak gizarte errealitate global berri bat ekarri digu, oso azkar aldatzen dena eta teknologia berrien eraginpean dagoena. Soziologiako Graduan ikasleek aztergai izango dituzte gizarte bizitza, gizarte aldaketa, kultura aniztasuna, taldeak eta komunitateak, eta horien arteko harremanak eta interakzioa, eta metodo zientifikoak erabiliko dituzte gizarte arazo konplexuei erantzuteko.

TITULAZIO HONEK IKASLEARI GAITASUNA EMANGO DIO:

- Gizarte arazoak eta premiak aztertze.
- Praktika sozialen aurrean jarrera kritikoa izateko.
- Politika publikoko eta esku-hartze sozialeko proiektuak diseinatzeko eta kudeatzeko.
- Erakunde publiko eta pribatuetan hezkuntza politika eta programak diseinatzeko eta ebaluatze.
- Erakunde publiko eta pribatuetan kudeaketa estrategiak garatzeko.
- Ikerketa soziologiko bat egiteko.
- Ikerketa soziologikoko txosten bat lantzeko eta aurkezteko.
- Azterketa soziologikoetan zorrozatasun intelektual eta etikoa erabiltzeko.

ELEANIZTASUNA

Soziologiako Gradu oinarritzko eta nahitaezko irakasgai guztiak eta hautazkoetako gehienak autonomia erkidegoko bi hizkuntzetan eskaintzen dira, euskaraz eta gaztelaniaz.

Gradu Amaierako Lana bi hizkuntza hauetako edozeinetan egin daiteke.

Gainera, Fakultateak parte hartzen du aktiboki UPV/EHUren Eleaniztasun Planean, eta ikasturtez ikasturte gero eta irakasgai gehiago eskaintzen ditu **hizkuntza ez ofiziale**tan. 2017-2018 ikasturterako, Soziologiako Graduan ondorengo ingelesezko irakasgaiak eskaintzen ditugu:

- Basic Concepts of Political Science
- Foundations of Political Analysis
- International Relations
- Theories of the Communication



BI GRADU ALDI BEREAN

Bi gradutako **ikasketak aldi berean** egiteko eskaria aurkeztu ahal du ikasleak lehen maila amaitu eta gero. Gure Ikastegiko ikasketa planen diseinua dela eta, bi urte gehiago eginda bigarren gradua amaitu daiteke Gizarte Zientzien Arloan: Politika Zientzia eta Kudeaketa Publikoko Gradua. Izan ere, bi gradu hauek 17 derrigorrezko irakasgai gehi euskarazko 2 hautazko irakasgai partekatzen dituzte.

Era berean, Soziologiako Graduak gure Fakultatean eskaintzen diren Komunikazioaren Arloko hiru graduekin ere partekatzen ditu irakasgaiak: 6 derrigorrezko irakasgai gehi euskarazko 2 hautazko irakasgai Ikus-entzunezko Komunikazioko Graduarekin, 6 derrigorrezko irakasgai gehi euskarazko 2 hautazko irakasgai Kazetaritzako Graduarekin, eta 5 derrigorrezko irakasgai gehi euskarazko 2 hautazko irakasgai Publizitatea eta Harreman Publikoetako Graduarekin.

IKASKETA-PLANA

KREDITU BANAKETA ETA IKASTORDUAK GUZTIRA						
Maila	Adarreko Oinarritzko Irakasgaiak	Beste adar batzuetako Oinarritzko Irakasgaiak	Nahitaezko Irakasgaiak	Hautazko Irakasgaiak	Gradu Amaierako Lana	Guztira
1	60					60
2			60			60
3			36	24		60
4			30	18	12	60
GUZTIRA	60		126	42	12	240

Ikasketa-planak guztira 240 kreditu ditu, hau da, 40 irakasgai.

Ikasturteak lauhileko bi ditu, bakoitzak 15 irakaskuntza-aste daukana. Irakasgai guztien ohiko azterketa irakaskuntza amaitu ostean egiten da (urtarrilean edo maiatzean), eta ezohiko azterketa ekainean egiten da.

AIPAMENAK EDO IBILBIDEAK

Nahi izanez gero, ikasleak Gradu hiru aipamenetako bat ikas dezake. Aipamena lortzeko bere bost hautazko irakasgaiak gaitututa izan behar dira, hirugarren eta laugarren mailetan.

GIZARTE ARAZOEN ANALISIA ETA KUDEAKETA	GIZARTE ONGIZATEA
Hizkuntzaren eta Kulturaren Soziologia	Gizarte Politikak eta Ongizatea
Gizarte Partaidetza eta Partaidetza Metodologia	Soziodemografia
Familia eta Gizarte Aldaketa	Aniztasuna, Desberdintasuna eta Gizarte Bazterketa
Migrazioen Soziologia	Gizartea eta Ingurumena
Zientzia, Teknologia eta Ezagutzaren Kudeaketa	Osasunaren Soziologia

GIZARTE ERAKUNDEAK, SAREAK ETA PROZESUAK
Kultura, Aisia eta Kontsumoa
Erakundeen eta Enpresaren Soziologia
Migrazioen Soziologia
Zientzia, Teknologia eta Ezagutzaren Kudeaketa
Identitatearen eta Nazionalismoen Soziologia

Politika Zientziako Oinarrizko Kontzeptuak

Adarreko Oinarrizkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Funtsezko kontzeptuak, teoriak, tipologiak, ikuspegiak eta eztabaidak ulertzea. Gertaera politikoen interpretazioari bideak irekitzea.

Edukiak: Politikaren zientzia. Politika eta sistema politikoa. Estatuak: kontzeptua eta garapen historikoa. Estatuaren barneko botere politikoaren banaketa. Estatuaz gaindiko erakundeak: Postestatalismoa? Sistema ez demokratikoak. Ordezkatze-demokrazia: Poliarkiak. Ordezkatze-demokrazien garapena.

Konstituzioa eta Globalizazioa

Adarreko Oinarrizkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Zuzenbidea fenomeno historiko bezala eta gizarte arautzaile bezala ulertzea. Zuzenbideak arautzen dituen arlo publiko eta pribatuaren arteko harremanak ikastea, Estatu liberaletik Estatu sozialera. Harreman horretan Konstituzioak betetzen duen funtzioa ikastea.

Edukiak: Fenomeno juridikoa gertaera historiko eta sozial bezala. Zuzenbidea eta politika. Estatu formak. Zuzenbidea eta gizarte. Botere judiziala eta Epaitegi Konstituzionala. Modernitateko kategoria judizialak. Estatu sozialeko krisialdia. Globalizazioa eta zuzenbidea. Konstituzionalismoa eta transnacionalizazioa. Konstituzio kosmopolita eta munduko esfera publikoa.

Ekonomia Politikoa

Adarreko Oinarrizkoa. 6 kreditu

Irakaskuntza mota: 46 h Magistrala; 14 h Gelako Praktikak

Helburuak: Gaur egungo errealitatea aztertu eta ulertu ahal izateko gaitasunak eta oinarrizko ezagupenak lortzea. Etorkizunean lan munduan ikasleek aurre egin beharko dizkioten arazo sozioekonomikoen ulermenerako gaitasunak lortzea.

Edukiak: Ekonomia politikoa eta gizarte zientziak. Pentsamendu ekonomikoaren korrante nagusiak. Merkatuen funtzionamendua. Konkurrentziako merkatuaren mugak. Jarduera ekonomikoaren neurketa. Estatuak eta ekonomia. Gaur egungo ekonomiaren tendentziak, arazoak eta erronkak.

Analisi Soziologikoaren Oinarriak

Adarreko Oinarrizkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Errealitate sozialaren azterketan erabiltzen ditugun oinarrizko kontzeptuak zehaztasunez ezagutzea, mugatzea eta definitzea. Errealitate sozialaren produkzioaz, erreprodukzioaz eta eraldaketaz aritzeko erabiltzen ditugun kontzeptu teoriko nagusiak erabiltzea eta egoera zehatzetara aplikatzea, bai maila estrukturalean zein eguneroko bizitzan.

Edukiak: Soziologiaren eraketa zientzia gisa. Soziologiaren aztergaia: egitate eta ekintza soziala. Elkarrekintza eta hartu-eman sozialak. Rol sozialak eta kontrol soziala. Elkartze sozialak: kolektiboak, erakundeak, instituzioak. Boterea eta autoritatea: klasea, arraza, adina, generoa. Aldaketa eta gatazka sozialak.

XX. Mendeko Historia Politikoa eta Soziala

Adarreko Oinarrizkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: XX. mendea definitu zuten prozesu sozial eta politikoa nagusiak ezagutzea.

Edukiak: Inperialismoaren garaia. Bi Mundu Gerren arteko Mundua. Lehen Mundu Gerra eta Parisko Bake Hitzarmenak. Errusiako Iraultza eta Stalinen Sobietar Batasuna. Nazioen Elkartea eta demokraziak mundu gerren artean. Faxismoen gorakada eta 30eko hamarkadako nazioarteko krisia. Bigarren Mundu Gerra eta faxismoen desagigoa. Gerra Hotzeko mundu bipolarra. Europa batzeko prozesua. Bloke komunista. Amerikak II. Mundu Gerraren bukaeraz geroztik. Hirugarren Munduaren deskolonizazioa eta Ekialde Hurbileko liskarra. 70eko hamarkadako krisi ekonomikoa. Bloke komunistaren kiebra eta Europar Batasunaren handitzea. Gaur egungo mundua. Sortzen ari diren potentziak.

Analisi Politikoaren Oinarriak

Adarreko Oinarrizkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Gertakari politikoetan eragile, estruktura eta testuinguruaren arteko harremanak aztertzea. Gizarte tradizionala, modernoa eta gaur egunekoaren arteko ezberdintasunak ulertzea. Estruktura politikoen logika autonomoa ulertzea, baita estrukturetan kanpoko indarrek zein eragileek lortutako aldaketak aztertzea ere.

Edukiak: Kultura politikoen aztertzearen eredua: errealitate sozialaren mailak. Kontzientzia: Gizarte modernoa eta postmodernoarekin baloreak; Identitateak; Ideologiak. Estrukturak: Tradizioa, modernitatea eta postmodernitatea. Aktoreak: Gizarte zibila; Alderdiak eta interes taldeak; Gizarte mugimenduak eta eraldaketa soziala. E-mailak: Ekintza kolektiboa eta politika publikoak.

Gizarte Erakunde eta Prozesuak

Adarreko Oinarrizkoa. 6 kreditu

Irakaskuntza mota: 46 h Magistrala; 14 h Gelako Praktikak

Helburuak: Gizarte errealitate instituzionalizatuaren aldaketa eta jarraitutasun prozesuak azaltzen dituzten faktore sozial, politiko eta ekonomikoak identifikatzea, definitzea eta analizatzea. Arazo sozial esanguratsuenen oinarrizko osagaiak identifikatzea eta definitzea. Gizarte errealitateari buruzko perspektiba soziologikoaren logika ulertzea eta aplikatzea.

Edukiak: Instituzionalizazioaren unea. Boterea, legitimazioa, gatazka eta aldaketa. Kulturatik kulturetara: Aniztasuna, multikulturalismoa eta nortasuna; tradizioa, erlijioa eta sekularizazioa. Desinstituzionalizazioa. Bizitza pribatuaren eraldaketa. Enplegu arau sozialaren eraldaketak. Nazioa eta Estatu globalizazioan.

Gizarte eta Politika Ikerketarako Sarrera

Adarreko Oinarrizkoa. 6 kreditu

Irakaskuntza mota: 39 h Magistrala; 21 h Gelako Praktikak

Helburuak: Ikerketa prozesua eta bere faseak ezagutzea eta horietan sakontzea. Gizarte errealitatearen ezagutzari buruzko ikuspuntu orokorra hartzea, baita gizarte ikerketan agertzen diren paradigma metodologikoei buruzko azalpen orokorra ere.

Edukiak: Zientzia, metodo zientifikoa, ikerketa mailak eta ikerketa zientifikoen enpirikoa. Gizarte ikerketaren formulazio teorikoa. Teoriaren eraikuntza. Ikerketa prozesuaren pausoak. Ikerketaren dimentsio praktikoa eta ikerketarako baldintzak.

Gizarte Psikologia

Adarreko Oinarrizkoa. 6 kreditu

Irakaskuntza mota: 46 h Magistrala; 14 h Gelako Praktikak

Helburuak: Elkarrekintzaren prozesu psikosozialak bereiztea eta koerlazioztatzea. Horien eragina analizatzea eta balioestea bai pertsonaren eraikuntzan bai gizarte markoen eraikuntzan. Pertsonaren, taldeen, antolakundeen eta erakunde sozialen oinarri psikosozialak aztertzea eta baloratzea.

Edukiak: Identitatea (*self*-a). Jarrerak eta beste kontzeptu disposizional zenbait. Eragin sozialaren psikologia. Taldearen psikologia eta identitate sozialak.

Nazioarteko Harremanak

Adarreko Oinarrizkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Nazioarteko Harremanak ikasketari sarrera orokorra egitea. Gaur egungo nazioarteko gizartearen genesia eta egungo egoera aztertzea eta baloratzea. Gizateriak XXI. mendean maila globalean aurre egin behar dizkion prozesu, arazo eta erronka nagusiak antzematea.

Edukiak: Nazioarteko Harremanen sarrera teoriko-kontzeptuala. Nazioarteko Gizartearen Aktoreak. Nazioarteko Sistemaren Egitura. Nazioarteko Gizartearen oinarrizko prozesuak. Gizateriak Aro Globalean dituen erronka nagusiak.



Espainiaren eta Euskal Herriaren XX. Mendeko Historia

Nahitaezkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: XX. mendean zehar Espainiako eta Euskadiko bilakaera historikoaren ezaugarri nagusiak aztertzea, munduko eta Europako testuinguruan kokatuz, egungo gizartea ulertzeko helburuz.

Edukiak: Masa-gizartea eta Errestaurazioaren krisia. Primo de Rivera-ren diktadura eta Monarkiaren amaiera. Euskadiko modernizazio sozio-ekonomikoa eta pluralismo politikoa. II. Errepublika. Guda Zibila. Autonomiarako bide luzea eta lehen Euskal Gobernua. Gerraoste luzea. Diktaduraren ezarpena Euskadin. “Desarrollismo”-tik frankismoaren krisira. Diktaduratik Demokraziarako Trantsizioa. Trantsizioaren ezaugarri bereziak Euskadin eta euskal autonomiaren eraikuntza.

Gizarte Ikerketa Kualitatiboa

Nahitaezkoa. 6 kreditu

Irakaskuntza mota: 39 h Magistrala; 14 h Gelako Praktikak; 7 h Ordenagailuko Praktikak

Helburuak: Gizarte ikerketa kualitatiboaren funtsezko ezaugarriak ezagutzea. Gizarte ikerketa kualitatiboaren proiektua sortzen trebatzea. Informazio bilketarako teknika egokienak aukeratzen eta prestatzen saiatzea.

Edukiak: Gizarte ikerketa kualitatiboaren instituzionalizazio prozesua: mailak eta ikuspuntuak. Gizarte ikerketa kualitatiborako prozesuaren uneak. Testuak/diskurtsoak ekoizten dituzten teknikak: Elkarriketa irekia; Eztabaida taldea; Objektibazio kualitatiboko beste modalitate enpiriko batzuk. Ikerketarako txostena.

Gizarte Ikerketa Kuantitatiboa: Inkesta eta Bigarren Mailako Datuak

Nahitaezkoa. 6 kreditu

Irakaskuntza mota: 31 h Magistrala; 14 h Gelako Praktikak; 14 h Ordenagailuko Praktikak

Helburuak: Izaera kuantitatiboko ikerketak burutu ahal izateko oinarrizko lanabesak ezagutzea, bai iturri sekundarioen bitartez bai iturri primarioen bitartez. Gizarte Ikerketa prozesuaren diseinuari dagozkion zereginak ikastea, hala nola, adierazleen eraikuntza eta laginen hautaketa. Galde-sorta edo datu sekundarioen bitartez burututako ikerketen plangintza, diseinua eta jarduna aztertzea.

Edukiak: Gizarte Ikerketa Kuantitatiboa. Bigarren mailako datuen iturriak. Datu primarioak eskuratzen. Laginketa diseinua: tamaina eta lagin-unitateen hautaketa. Galdesorta. Gizarte ikerketa Kuantitatiborako bestelako teknikak. Gizarte ikerketa Kuantitatiboaren txostena eta ikerketaren ebaluazioa.

Eguneroko Bizitzaren Soziologia

Nahitaezkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Unean-uneko bizitza eremuetan edo bizitza-esparru lokaletan prozesu makroek, alegia prozesu ekonomiko, juridiko, kultural eta politikoeak, duten eragina behatzeko eta aztertzeo gaitasuna garatzea.

Edukiak: Ezagutza arruntaren ezagutza. Eguneroko bizitzaren espazio-denbora egituraketa. Banakoen arteko harremanak. Eguneroko bizitza eta teknologia. Eguneroko bizitzaren politizazioa.

Teoria Soziologikoa I

Nahitaezkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Pentsalari klasikoen gogoeta testuinguru historikoan kokatzea eta egungo pentsamendu soziologikoarekin harremanetan jartzea.

Edukiak: Gogoeta soziologikoa Gizarte Zientzietan. Gizarte modernoa arazo gisa: berdintasuna eta askatasuna. Tocqueville. Marx. Durkheim. Weber. Simmel.



Euskal Herriko Gizarte Egiturak eta Prozesuak

Nahitaezkoa. 6 kreditu

Irakaskuntza mota: 46 h Magistrala; 14 h Gelako Praktikak

Helburuak: Gizarte analisirako funtsezko kontzeptuak aztertzea. Aipaturiko kontzeptu teorikoak aplikatzea bai Mendebaldeko gaurko gizarteen analisisan bai gaurko euskal gizartearen analisi espezifikoaogan.

Edukiak: Oinarrizko kontzeptuak: egiturak, ekintzak, prozesuak. Egiturak eta prozesuak gaurko gizarte mendebaldarretan. Egiturak eta prozesuak gaurko euskal gizartean.

Datuen Kudeaketa eta Analisi Estatistikoa I

Nahitaezkoa. 6 kreditu

Irakaskuntza mota: 32 h Magistrala; 14 h Gelako Praktikak; 14 h Ordenagailuko Praktikak

Helburuak: Fenomeno politiko eta sozialak ikertzeko modu enpirikora lehen hurbilpen bat egitea. Estatistikari loturiko tresnen baliagarritasuna ulertzea.

Edukiak: Definizioa, tresnak eta datu baseak, Aldagaiak: definizioa eta datu diagramak. Aldagai kualitatiboak. Aldagai kuantitatiboak. Estatistika inferentziala.

Ikerketako Tailerra

Nahitaezkoa. 6 kreditu

Irakaskuntza mota: 32 h Magistrala; 14 h Mintegia; 14 h Gelako Praktikak

Helburuak: Baliabide tekniko, teoriko eta kontzeptualen bitartez, aztergai soziologikoak eraikitzea. Jendartea aztertzeo dauzkagun estrategia eta tradizio metodologikoa ezagutzea, garrantzi historiko berezia duten ikerketen analisisaren bitartez. Ikerlari sozialen lana kritikoki aztertzea eta soziologoek euren jardun profesionalen burutzen dituzten ikerketen ezagutzan sakontzea.

Edukiak: Ikerketaren arazoa eta egitasmoa. Lanketa teorikoa eta kontzeptuala: ikuspegi teorikoa nagusiak. Helburuei egokitutako eredu analitikoak sortzea. Hipotesiak: behin-behineko erantzunak. Metodologia eta lanketa enpirikoa. Informazio enpirikoa biltzea eta eraikitzea. Analisia: informazio enpirikoaren azterketa. Ondorioak eta aurrera begirako interesguneak.

Teoria Soziologikoa II

Nahitaezkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Gizarte zientzietako debate teorikoen koordenadak identifikatzea, gizarte modernoaren krisialdiaren abiapuntutik. Proposamen teoriko garrantzitsuenak interpretatzea. Gaur egungo soziologiako lan teorikoko tresnak erabiltzea.

Edukiak: Gaur egungo teoria soziologikoari buruzko alderdi orokorrak. Proposamen funtzionalista. Estrukturalismoaren proposamena. Soziologiako urrezko aroko bestelako ikuspegi soziologikoa.

Komunikazioaren Teoriak

Nahitaezkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Komunikabideen Sistemaren eta Iritzi Publikoaren arteko harremanak analizatzea, gai garrantzitsu batzuen inguruan. Gaiari buruzko ikerketa zein komunikazio teoria nagusiak baloratu, era kritikoa.

Edukiak: Komunikazioari buruzko pentsamendu teorikoa. Informazioaren gizartea. Komunikazioa eta kultura. Iritzi publikoa.



HIRUGARREN MAILA		2. Lauhilekoa	
Datuen Kudeaketa eta Analisi Estatistikoa II <i>Nahitaezkoa. 6 kreditu</i> <i>Irakaskuntza mota: 32 h Magistrala; 28 h Ordenagailuko Praktihak</i>		Datuen Aldagai Anitzeko Analisia <i>Nahitaezkoa. 6 kreditu</i> <i>Irakaskuntza mota: 32 h Magistrala; 28 h Laborategiko Praktihak</i>	
Helburuak: Tresna estatistikoen erabileran trebatzea da, bi aldagai edo gehiagoren arteko erlazioei buruzko egoerak identifikatu eta aztertu ahal izateko, beti ere datuen azterketa anizkoitzaren logikatik abiatuta. Lagin bi edo gehiagoren arteko aldeen hipotesi proben ebazpena aurkeztea.		Helburuak: Aldagai askoren erlazio ereduak identifikatu eta ebazteko tresnak ezagutzea. Datu mota eta teknika egokien erabilgarritasuna irizpide, teknikak egoki bereiztea eta aplikatzen trebatzea.	
Edukiak: Lagin/taldeen arteko diferentzien hipotesi probak. Bestelako metodoak batazbestekoen alderaketa anizkoitzetarako. Aldagaien arteko erlazioaren azterketarako argibide kontzeptualak. Bi aldagai kategorizatuen arteko erlazioa. Azterketa anizkoitza kontingentzia tauletan. Bi aldagai tarteekatuen arteko erlazioaren kuantifikazioa: korrelazio lineal sinplea. Erregresio anizkoitzaren eredu nagusia.		Edukiak: Azterketa aldagaianitza. Erregresio anizkoitza. Bariantzaren faktore Azterketa. Osagai Nagusizko Faktore-azterketa (ONA). Korrespondentzien Faktore-azterketa (KBA/ KAA). Quick Cluster: mordoan sailkapen ez-hierarkikoa (K-MEANS).	
Gizarte Ikerketa Kualitatibo Aurreratua <i>Nahitaezkoa. 6 kreditu</i> <i>Irakaskuntza mota: 39 h Magistrala; 14 h Ordenagailuko Praktihak; 7 h Laborategiko Praktihak</i>		Proiektuak Diseinatu eta Egitea <i>Nahitaezkoa. 6 kreditu</i> <i>Irakaskuntza mota: 46 h Magistrala; 14 h Gelako Praktihak</i>	
Helburuak: Gizarte ikerketa kualitatiboan zehazpen analitikoak ikertzea; hau talde-lanean edo bakar-lanean egin daiteke, eta bere sistematizazio enpirikoan parte hartzen duten alde desberdinen arabera. Analisi kualitatiboaren “ohizko” prozedura eta ikuspegiei eginiko kritikak kontuan hartuz, gaur egungo garapenaren alde emandako bere ekarpenak agerian jartzea.		Helburuak: Proiektuak diseinatzeko eta egiteko ezaguerak eta funtsezko oinarriak eskuratzea, bai ikerketaren ikuspegitik, bai funtzio profesionaletatik, edo horiek proposamen deialdietan aurkezteko eta Europar Batasuneko proiektuetan parte hartzeko.	
Edukiak: Ekoizpen kualitatiboaren materializazioa: Entzute eta begiratze aktiboak; Transkripzioa, narrazioa eta interpretazioa. Soziologia bisuala eta ikerketa etnografikoa. Edukiaren analisitik diskurtsoaren analisisira. Datu kualitatiboen analisisrako programa informatikoen garrantzi eta egitura: Grounded theory-ren logika analitikoa; Protokolo informatizatua. Gizarte ikerketa kualitatibo baten txostena.		Edukiak: Proiektuaren logika ikerketa zientifikoan. Ikerketa diseinuak zenbait teknika artikulatuta. Ikerketa zientifikoaren prozesu metodologikoa. Gizarte proiektuen diseinua. Proiektuen esparru logikoaren matrizea. Ikerketa/ Ekintza proiektuak haien perspektiba desberdinetan.	
Teoria Soziologikoa III <i>Nahitaezkoa. 6 kreditu</i> <i>Irakaskuntza mota: 53 h Magistrala; 7 h Gelako Praktihak</i>		Hiri Soziologia <i>Nahitaezkoa. 6 kreditu</i> <i>Irakaskuntza mota: 53 h Magistrala; 7 h Gelako Praktihak</i>	
Helburuak: Modernitatearen krisiak eragindako eztabaida teorikoaren ardatz nagusiak identifikatzea. Ekarpen teoriko nagusien inguruan hausnartzea. Gizarte errealtatearen azterketarako ezinbestekoak diren baliabide teorikoak erabiltzen trebatzea. Soziologiaren izaera erreflexibo, performatibo eta kokatuaz ohartzea.		Helburuak: Hiriak aztertu dituzten Soziologiaren ikuspegi teoriko-metodologikoak ikaste eta hiriek eragiten dituzten efektuak errekonozitzea eta aztertzea. Hirien arazoak aztertzea eta interpretatzea.	
Edukiak: Teoria soziologikoaren oinarrien krisia: Analisi-objektuaren haustura eta eraldaketak; Barne eztabaidak. Azken proposamen bateratzaileak eta beste zenbait ekarpen berritzaile. Objektuaren berrirakurketa ikuspegi mikro-aren arabera: soziologia sortzaileak eta egunerokotasunaren soziologia. Soziologiaren subjektuaren berrikusketa.		Edukiak: Hirien hasierak. Hiri aztertua (pentsatzen dugun hiria): paradigmak eta teoriak. Bizi dugun hiria: ikuspegi sozialak eta ekonomikoak. Eraikitzen dugun hiria: planifikazioa eta hiri politikak.	
Hizkuntzaren eta Kulturaren Soziologia (1A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Mintegia; 7 h Gelako Praktihak</i>		Gizarte Partaidetza eta Partaidetza Metodologia (1A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Mintegia; 7 h Gelako Praktihak</i>	
Helburuak: Kultura eta hizkuntzaren definizio praktikoaz jabetzea. Hizkuntza eta kultura-gutxitasuna esparru sinboliko eta politikoa identifikatzea.		Helburuak: Gizarte Zientzietan herritarren jabekuntza eta parte hartzea errazteko garatzen ari diren ikusmoldeak eta metodologiak ezagutzea.	
Edukiak: Kultura eta Hizkuntza: definizio baterantz. Kultura eta hizkuntza minorizatuak: azterketa konparatibo bat. Kultura, hizkuntza eta trukaketa sinbolikoen merkatua. Kulturaren ideologiak: kontserbadurismoa, liberalismoa, post-modernismoa... Kultura politikoa eta demokrazia. Kultur egitura: masa kultura eta beronen kritika.		Familia eta Gizarte Aldaketa (1A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Mintegia; 7 h Gelako Praktihak</i>	
Helburuak: Alderdi sozialetan garatutako politika publikoak diseinatu, planifikatu, azaldu eta ebaluatzea. Ikasitako ezagupenak ahoz zein idatziz laburbiltzeko eta azaltzeko gaitasuna izatea.		Helburuak: Mendealdeko gizarteetan familia aldaketa identifikatu, aztertu eta azaltzea.	
Edukiak: Kultura eta Hizkuntza: definizio baterantz. Kultura eta hizkuntza minorizatuak: azterketa konparatibo bat. Kultura, hizkuntza eta trukaketa sinbolikoen merkatua. Kulturaren ideologiak: kontserbadurismoa, liberalismoa, post-modernismoa... Kultura politikoa eta demokrazia. Kultur egitura: masa kultura eta beronen kritika.		Edukiak: Familiaren ikuspegi soziologikoak. Familiaren aldaketak. Gizarte politikak eta familia.	
Gizarte Politikak eta Ongizatea (2A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Mintegia; 7 h Gelako Praktihak</i>		Aniztasuna, Desberdintasuna eta Gizarte Bazterketa (2A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Mintegia; 7 h Gelako Praktihak</i>	
Helburuak: Alderdi sozialetan garatutako politika publikoak diseinatu, planifikatu, azaldu eta ebaluatzea. Ikasitako ezagupenak ahoz zein idatziz laburbiltzeko eta azaltzeko gaitasuna izatea.		Helburuak: Gizarte desberdintasunak (polarizazioa eta dualizazioa) eraldaketa ekonomikoen (berregituraketa ekonomikoaren eta globalizazioaren) aurrean hartzen dituen forma berriak eta gizarte kapitalista aurreratuen ongizate estatuarenak identifikatzea. Desberdintasun, pobrezia, bazterketa eta gizarte bazterketa kontzeptuak metodologikoki aplikatzea datu analisi enpirikoarekin.	
Edukiak: Gizarte politikak. Ongizate estatua eta immigrazioa. Ongizate estatua eta aldaketa enplegu arau sozialean. Prozesu demografikoa eta ongizate estatua sostengatzea. Ongizate estatua, emakumea eta familiak. Elementu ideologikoak. Politika publikoen gizarte eraikuntza. Aukerak. Ongizatearen krisia. Ongizatea, justiziaren teoriak eta gizarte ereduak.		Edukiak: Gizarte bikoiztasun eta polarizazioko prozesuak ongizatearen kapitalismoan. Gizarte desberdintasuna. Gabetzea, pobrezia, bazterketa, ahultasuna eta gizarte bazterketa. Hurbilketa teorikoak gizarte bazterketaren kontzeptura. Pobrezia eta gizarte bazterketa analizatzeko eta neurtzeko metodologiak. Gizarte bazterketaren bizi zikloak eta ibilbideak. Baztertutako kolektiboen gizarteratze politikak.	
Soziodemografia (2A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Gelako Praktihak; 7 h Laborategiko Praktihak</i>		Gizartea eta Ingurumena (2A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Mintegia; 7 h Gelako Praktihak</i>	
Helburuak: Biztanleriaren bilakaera analizatzea, perspektiba globaletik zein tokikotik. Adierazle demografiko nagusiak ezagutzea eta horiek kalkulatzten eta interpretatzen ikastea. Prozesu demografikoen eta beste gizarte prozesu batzuen artean dagoen interdependentziari buruzko azterketan eta gogoetan sakontzea. Dinamika demografikoen eta politika publikoen artean dagoen erlazioari buruz eztabaidatzea.		Helburuak: Gizarte Zientzietan ingurumen politiken inguruan hausnarketa egiten ari diren teoria eta eskolei buruzko marko teoriko egokia jasotzea. Euren ondorio sozialak eta politikoak aztertzea.	
Edukiak: Demografia eta biztanlerien azterketa: sarrera. Datu demografikoen iturriak. Gertaera demografikoen analisisaren sarrera. Biztanleriaren egitura. Gertaera demografikoen denborazko dimentsioa. Biztanleriaren hazkundera. Hilkortasunaren analisisa. Ugalkortasunaren trantsizioa. Ugaltze kontrola eta familia prestakuntza. Gizarte moderno eta hazkunderaren krisia. Migrazioen analisisa.		Edukiak: Ingurumen eredia eta gaiari buruzko eztabaida teorikoak. Ingurumen dimentsioak gizarte aurreratueta. Garapen ereduaren definizioa. Hiri jasangarria. Tokiko Agenda 21.	
Kultura, Aisia eta Kontsumoa (3A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Mintegia; 7 h Gelako Praktihak</i>		Erakundeen eta Enpresaren Soziologia (3A) <i>Hautazkoa. 6 kreditu</i> <i>Irakaskuntza mota: 46 h Magistrala; 7 h Mintegia; 7 h Gelako Praktihak</i>	
Helburuak: Marko teorikoak eta estrategia metodologikoak azterketa soziologikoren ikuspegitik aztertu eta azaltzea, ikerketa lerro nagusietako eredu desberdinak aurkeztuz.		Helburuak: Antolamendu esparruan sortzen diren prozesuak eta premiak ulertzea, horiek egungo gizartearen eraldaketekin lotuta; oinarrizko tresnak erakunde publiko eta pribatueta kudeaketa estrategiak prestatzeko.	
Edukiak: Hurbilketa soziologikoa kulturara. Aisialdiaren ikusmolde soziologikoak eta esanahiak. Kontsumo ereduaren genesia, eraketa eta bilakaera.		Edukiak: Erakundeak eta gizarte globala. Antolamendu egitura eta diseinua. Egituratik antolamendu prozesuetara. Pertsonak eta erakundeak. Erakundeen gizarte testuingurua. Aldaketa, berrikuntza eta antolamendu ikaskuntza.	
Euskararen Arauak eta Erabilerak (euskarako taldea) <i>Hautazkoa. 6 kreditu</i> <i>Irakaskuntza mota: 53 h Magistrala; 7 h Gelako Praktihak</i>		Helburuak: Soziologia eta Politika zientzien arloan euskarak dituen erronkez jabetzea.	
Edukiak: Hizkuntza komunikazio-prozesuan. Soziologiako eta politikako testu-generoak. Kontsulta-tresnak.			
8. orrialdea		1A: Gizarte Arazoen Analisia eta Kudeaketako Aipamena 2A: Gizarte Ongizateko Aipamena 3A: Gizarte Erakundeak, Sareak eta Prozesuetako Aipamena	
		1A: Gizarte Arazoen Analisia eta Kudeaketako Aipamena 2A: Gizarte Ongizateko Aipamena 3A: Gizarte Erakundeak, Sareak eta Prozesuetako Aipamena	
		9. orrialdea	

Gizarte Berrikuntza eta Aldaketa

Nahitaezkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Gizarte berrikuntza eta aldaketa, eraldaketako prozesu sozialak eta esperientzia sozio-komunitario berritzaileak eta hauen agente eta agentzia nagusiak aztertzea. Gizarte berrikuntza eta aldaketa aztertzeko nahiz ebaluatzeko baliagarriak diren tresna teorikoak, kontzeptualak eta analitikoak ezagutzea.

Edukiak: Gizarte berrikuntza eta aldaketa: Abiapuntuko definizio baten bila. Gizarte aldaketaren teoriak eta metodo berritzaileak. Agenteak eta agentziak aldaketa eta berrikuntza sozialaren bultzindar gisa. Berrikuntza sozialaren ekarpenak aldaketaren teorietan: Ebaluazio irizpide berriak.

Hezkuntzaren Soziologia

Nahitaezkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Hezkuntza sistemaren funtzioak aztertzea, baita aldaketa ekonomiko, sozial eta politikoei funtzio horietan dauzkaten eraginak, indibidualizazio-, destradizionalizazio- eta globalizazio-prozesuen ondorioz. Hezkuntza sistemak klase-, etnia- eta genero-desberdintasunen sorkuntzan eta birsorkuntzan daukan eginkizuna analizatzea. Hezkuntza sistemaren eta gizartearen arteko harremanen konplexotasuna ulertzea.

Edukiak: Hezkuntza eta soziologia. Teoria klasikoak hezkuntzaren soziologian. Hezkuntza sistemaren funtzionaltasuna: Asmo meritukratikoa. Eskola, legitimazioa eta menderatze sozial eta ekonomikoaren birsorkuntza. Hezkuntza aldatzen ari den munduan: Sozialtasunaren krisia eta posmodernitatearen sorrera. hezkuntza eta gizarte egitura. Irakasleriaren eta ikasleriaren soziologia.

Soziologia Politikoa

Nahitaezkoa. 6 kreditu

Irakaskuntza mota: 53 h Magistrala; 7 h Gelako Praktikak

Helburuak: Soziologia Politikoen kontzeptu nagusiak eta zenbait eztabaida teoriko identifikatzea. Soziologiaren tresna teoriko eta kontzeptualak aplikatuta, esparru politikoan garatutako aldaketa prozesuak interpretatu eta beraien testuinguru sozialean eta historikoan kokatzea. Teoria soziopolitiko nagusiak eguneroko errealitate politikoarekin harremanetan jarri, eta modu kritikoan erkatzea.

Edukiak: Soziologia Politikoen aztergaiari buruzko gogoeta. Sistema politikoa eta egitura soziala. Sistema politikoa eta gizarte zibila. Bizitza politikoaren alderdi kulturalak. Aldaketa eta gatazka esparru politikoan.

Migrazioen Soziologia (1A/3A)

Hautazkoa. 6 kreditu

Irakaskuntza mota: 46 h Magistrala; 7 h Mintegia; 7 h Gelako Praktikak

Helburuak: Mugikortasun geografikoa gizarte fenomeno gisa ezagutzea eta ulertzea, haren kausa zein ondorioetan maila desberdinetan. Migrazio fenomenoaren intereseko zenbait esparru geografikoren testuinguruan jartzea: Europa, Espainia eta Euskal Herria.

Edukiak: Migrazio fenomenoaren. Migrazio fenomenoaren inplikazioak: konplexutasuna eta multidimentsionalitatea. Egungo nazioarteko migrazioen erroka nagusiak. Migrazioak gure testuinguru geografikoetan eta aldaketak krisi testuinguru batean.

Osasunaren Soziologia (2A)

Hautazkoa. 6 kreditu

Irakaskuntza mota: 46 h Magistrala; 7 h Mintegia; 7 h Gelako Praktikak

Helburuak: Gaitasun teoriko eta analitikoaren garatzea gaur egungo gizarteko hainbat prozesu ulertzeko eta beraietan soziologikoki esku-hartzeko: Osasuna/Gaixotasuna/ Osasun Arreta.

Edukiak: Arriskuaren Gizartea eta modernitate pentsakorra. Osasun arloko alderdi soziokulturalak. Gizarte irudia osasun/ gaixotasunean. Gizarte desberdintasunak osasun arloan. Osasun sistemak eta osasun politikak.

Komunikazioa Euskaraz: Gizarte Zientziak (euskarako taldea)

Hautazkoa. 6 kreditu

Irakaskuntza mota: 46 h Magistrala; 14 h Gelako Praktikak

Helburuak: Euskaraz lan egin ahal izateko ezinbestekoa diren gaitze linguistikoen sakontzea. Komunikazio-egoeren eta zenbait testu-genero lantzea, ahozkoak zein idatzizkoak, eta espezializazio maila desberdinetakoak.

Edukiak: Komunikazioa Soziologian eta Politika Zientzietan. Dibulgazioa Soziologian eta Politika Zientzietan. Ikerketa Soziologian eta Politika Zientzietan.



PRAKTIKAK ENPRESETAN

Hezkuntzarako lankidetza praktikek aukera ematen diete ikasleei **enpresa eta erakunde publiko zein pribatuen errealitatera hurbiltzeko** eta, hartara, langunean bertan ezagutzeko laneko ohiturak eta trebetasunak. Horrela, beren prestakuntza akademikoa osa dezakete eta lan esperientzia eskuratu, titulazioan ikasitakoarekin zerikusia daukaten atazak eginez.

Praktikak borondatezkoak dira, baina ia ikasle guztiek egiten dituzte, graduako **hirugarren eta laugarren mailetan**. Fakultateko irakasleen tutoretzapean egiten dira, eta haiengatik ikasleei 6 kreditu aitortzen zaizkie, hautazko irakasgaiekin egiten den bezala.

Gure praktika programetan parte hartzen duten ikasleen **gogobetetze maila altua** ikusteak animatu egiten gaitu etengabe hobetzen jarraitzera gure ikasleak laneratzeko abian dauzkagun prozesuetan.

Soziologiako Graduako ikasleek praktikak egiteko **50 enpresa, instituzio, elkarte eta fundazio baino gehiago** dauzkate beren esku, besteak beste:

- **Euskobarometro**
- **Udalak**
- **Merkatu ikerketak egiteko enpresak**
- **Gobernuz Kanpoko Erakundeak**
- **Erakunde publikoa**
- **Etab.**

Fakultateko webgunean lauhilabeteko bakoitzean eskaintzen diren plaza guztien **informazio gaurkotua** ikusgai dago: enpresa, eginkizunak, betebeharrak eta ordainsaria.

MUGIKORTASUN PROGRAMAK

Graduko bigarren mailatik aurrera, ikasleek bi mugikortasun programatan parte har dezakete, egonaldiak egiteko atzerriko eta estatuko beste unibertsitate batzuetan ikasten. Ikastaldiaren epea aukera dezakete: lauhileko bat edo ikasturte osoa.

Hauek dira mugikortasun programak:

1. **Erasmus+**, Europako unibertsitateetarako: Alemania, Belgika, Danimarka, Erresuma Batua, Frantzia, Herbehereak, Italia, Norvegia, Suedia, besteak beste.
2. **UPV-AL**, Latinoamerikako unibertsitateetarako: Argentina, Brasil, Kolonbia, Mexiko, Peru, Txile, besteak beste.
3. **Beste Norakoak Programa**, AEB, Kanada eta Hego Koreako unibertsitateetara joateko.
4. **SICUE**, Estatu Espainiarreko unibertsitate nagusien arteko trukerako.

Nazioarteko mugikortasun programetan ikasleek ingelesez, frantsesez edo alemanez ikas dezakete. Horretarako, ikasleak hizkuntza horietan gaitasuna daukala egiaztatu beharko du.

Mugikortasuna bi norabideetan da, hau da, gure ikasleak atzerriko unibertsitateetara doazen bezala bolada batez ikastera, gure Fakultateak ere urtean atzerriko 100 ikasletik gora hartzen ditu. Ez da, beraz, ezohikoa gure ikasleak atzerriko ikasle horiekin ibiltzea ikasgeletan, laborategietan eta beste espazio batzuetan.

